

**Tun M Tak Hadir Sambutan Merdeka**  
**MStar Online**  
**31 Ogos 2015**

**KUALA LUMPUR:** Bekas Perdana Menteri, Tun Dr Mahathir Mohamad tidak kelihatan pada sambutan Hari Kebangsaan ke-58 selepas mencetuskan kontroversi kerana menghadiri perhimpunan Bersih 4.

Sebelum ini, Dr Mahathir akan hadir pada sambutan kemerdekaan negara setiap tahun.

Menteri Komunikasi dan Multimedia, Datuk Seri Dr Mohd Salleh Keruak mengesahkan ketidakhadiran Dr Mahathir.

"Beliau dijemput tetapi menjawab tidak akan hadir," kata Mohd Salleh ketika dihubungi.

Kehadiran Dr Mahathir pada perhimpunan itu mendapat kritikan pemimpin Umno termasuk Naib Presiden, Datuk Seri Hishammuddin Hussein.

Hishammuddin berkata, Dr Mahathir tidak sepatutnya bertindak bertentangan prinsipnya dengan menyertai protes jalanan itu.

"Jangan bakar kelambu hanya kerana seekor nyamuk," tulis Menteri Pertahanan itu menerusi Facebooknya.

**Hakcipta Terpelihara © 2015 Star Media Group Berhad (ROC 10894D)**

Source: <http://www.mstar.com.my/berita/berita-semasa/2015/08/31/tun-m-tak-hadir-sambutan-merdeka/>